


1976

A

63.14



Titelblatt verklebt
eingeb. Schik



Auslegung des

XIX psalm. Coeli
enarrat/durch Thomas Mun-
ger an seyner besten junger
einen/auff new prophetisch/
nicht nach der einfeltigkeit des
wort Gottes/sonder aus der le-
bendigen stimme vom hymel.

Auslegung des selben
psalms/wie yhn S. Paul
auslegt nach der einfeltigkeit
der Apostel/und nach der
meinung Davids.

Johan Agricola Tsleben
Wittenberg. M D XXV.



W 25 3

Dem wvrdigen Ern Jo-
han Kuhel Doctor ec.
Johan Agricola Jzleben.
Gnad vnd frid von Gott.



Er Propheete

Jhob am. 41. sagt vñ
Behemoth vnter andern
zeichen/man sol yhn da bey
kennen/ Das aus seynem
munde faren sackeln vnd
feurige brende/ aus seynen
nasen gehet rauch wie von
heysen töpffen vnd Kesseln/ aus seynem munde
gehen flammen/ seyn odem ist gluende Kolen/ Er
hat eynen starcken halß/ vnd ist seyn lust wenn
er etwas verderbt/ Denn da zu Christus zeytē
vnd hernach das reyne Klare Euangelion durch
die apostel vñ alle welt gepredigt ward/ seyres
re der Sathan nicht/ vnd erwecket falsche apo-
stel vnd prediger/ die mit mancherley Secten
vnd Fesereyen das Euangelion verdunckelten/
hezten die weltlichen fursten vnd Konige an
die Christen/ bis so lange das Euangelion/ der
glaube vnd Gottes gesetze geschwiegen/ vnd die
werck/ menschen gesetze/ durch den Antichrist
mit gewalt eyngefuret seyn worden. So sich
aber



767 6314

Ad
543 21

§

aber Gott auß hertzlicher barmhertzigkeit/wid/
derumb durch seyn Euangelion der welt vnd
sonderlich Deutschen landen eroffnet hat/aus
dem finsternis darynne wir gefangen waren/
durch seyn wort ynn das licht vnd hellen tag
gesetzt hat/ wil der Sathā abermals seyner art
nach/sich vnterstehen/das wort widder weck
zunemen/erweckt newe geyster/die sich rhümen
der schrift/auch des heyligen geysts meyster/
vnd wissen doch nicht/die armen/elenden/blind
den leutt/ wo von sie sagen/odder was sie setzē/
wollen leren vnd Konnen doch nicht leren/
brüsten sich vnd werffen sich auff/mit prech
rigen/hohen/schwulstigen wortten/wilche der
heylige geyst taddelt vnd fur eynen gewel
hat/als da sind/ Studierung/ Verwunderung
Langtweyl/Entgrobūg/Besprenngūg/besitzer
des besizers stadt/vnd dergleichen/eyttele/vn
nutze/vergebliche wortt/damit sie dem vnordis
gen pöffel/ maul vnd nassen auffsperrē/gleich
als sey es eytel kostlich ding/vñ gleich als stün
de von Christo nicht geschrieben psalm. lxxvñ
In parabolis aperiam os meum/das ist/Chri
stus sol feyn eynfeltig vnd mit gemeynen wor
ten lerē die leutte/wie auch seyn gantzē lebē ni
cht anders außweyset/mit wortten vñ werckē.

Von Chhristo vnd seyner leer sagt Esai.
am xliij. Er sol den heyden das gericht verkun
digen/Er wird nicht zanken nach schreyen etc.
Das ist/wo Christus geprediget wird/da wird
auch zugleich verdammnet alles was außser halb

ah yhm



yhm ist/auff das/wer sich bessert/sittet/erschri-
ck̄t fur dem vrteyl/das niemand könne auffer
halb Christus selig werden/nicht zustossen son-
dern angesteckt werde/nicht verlesche sondern
deerst/yhm der tödtung des altē mensche/durch
das wort Gottes angangē/lebe vñ erfurbreche
Vom teuffel vñ seyner lere sagt Hiob/ Er sol-
le hoch eynher faren/mit hohē seltsamen wortē/
damit er gedenc̄t nidder zu schlagen alles was
Gott durch Christum eynfeldiḡ predigen lest
Gotts reych stedt ym der Krafft/wilcher die
wortte folgen von yhm selbs .i. Chor. iij. des
teuffels reych/stedt ym erzwungen/genöttiget
ten wortten/one Krafft/ Christus reych wirckt
vergebung der sunden/wo warhafftig funde
seyn/ Des teuffels reych wirckt beschwerung
der gewisse wo keyn beschwerung ist/Dis alles
aber ist also war ym allen diesen geystern/die
sich yzund also auffblasen/das sie auch Christi
nicht annehmen/als der das geseze erfullet hab
fur vns /wie denn diese auslegung des xvij.
Psalms Thomas Mungers vnuerschampt
meldet. Aus wilchem stuck̄ ich hochlich verur-
sacht / Thomas Mungers schrifft / durch den
druck / auszugehen lassen/auff das alle welt
greysen müge/wie sich der teuffel Gote gedēckt
gleich zumachen/ Das das sprichwort ya war
bleybe. Der teuffel ist vnsers Herrgotts affe/
vnd das auch/ Der teuffel kan alles verbergen
one die fusse/das ist/ endlich mus er sich sehen
lassen/wie denn auch dise geyster eygentlich ge-
nug

*Des teuffels
reych
stede
yhm
erzwungen
genöttiget
ten wortten*

genug sich dargeben/wie sie mörder seyn von
anbegynne/wie yhr vatter. Johannis am viij/
Es sol aber außgehen ynn ewrem nhamen.
Syntemal yhr nebē andern gehörrt habt/vnd
wisset wie iemmerlich die leutte bey euch/durch
diesen geyst betört vnd verfurtt seyn/das sie/
wen sie sollen yhrer lerhe vrsach geben/wid
der keesen konnen nach eyerlegen/
vnd wollen doch von yderman
ankunfft haben des glaubens/
vnd wie sie sagen/ den
glauben berechnet
nemen/die wort/
lernen sie nach
reden vnd
bleyben
wort/
die krafft volget aber nicht/
Darumb ist es nicht Gottes
reych/ wie wyr ynn
diesem psalm
klerlich sehen
werden.

¶ 13

Sua dilecta Cris. Metti.
Thomas Muntzer

Der geyst der weysheyt / vnd die er-
kentnis Gottes kunst / sey mit
euch / hertzenhafftiger
Brueder .

*Der geyst
von dem
jehesu*
Erstlich habt acht auff des geystes weysse
Die leutte zu Gotte zubringen / Dieser man zu
de Thomas Muntzer schreybt / hat gebetē vmb
eyn vnterricht des rechten wegēs zur selick eyt /
Darauff S. Iho. vnd S. Paniel geantworte
herren / henge dich an Christum / an den gleube /
So wirstu das ewige leben erlangē / So weissēt
yhdieser geyst yns ranchloch / vnd wecht vom
xviij. psalm / der do lernt / wie sich Got lest du-
rchs Euangeliō erkēnē das da freffrig ist durch
Christus gehorsam / den er dem vatter geleyset
hat / das niemandt weys / er selbs auch nicht / ob
es gehawen odder gestochen ist / wie folgen
wird .

Sihe auch auff den newen grus / Christ
us saget zu seynen iungern / sie solln seyns ster-
bens vnd aufferstehens zeugen seyn / Luce am
letsten / wie sie auch mit der thart beweyset ha-
ben / Vnd wo sie yn eyn haus gehen / sollen sie
yderman

derman den frid anbitten/gnade wunschen
Luce am .x. ynn seynem namen puffs predicaē
vnd vergebung der sunden/ Luce .xxiiij. also
das er sey der weg zum vatter etc. So fertz
dieser geyst frisch furuber/vnd wil one mittel
ynn den geyst hynen/vnd ynn die kunst Got-
tes/also kucken dem teuffel die fusse herfur/ das
yr Christum den mittler vnd gnaden thron
Roma. iij. hinweg setze/vnd sich selbs zu Chris-
to mache/wie wol Gott keyn andere weyse hat
sich mit vns zuersunen/denn durch das blutt
seynes sones Eph. i. Coloss. i. daran wyr erken-
nen seynen gutten willē zu vns/ Susse ding ist
es also ym gedanken mit Gott spelen / aber
es nimpt ein boss ende/wie Salomo sagt/Wer
zu viel honig ist/dem ist nicht gutt/vnd wer
schweer dinct forschet/dem wirds zu schwer.
Gott hat seynen son cyn mal yns fleyschs/ge-
worffen/da wird er sich finden lassen/Wer nu
hinnauff klettert ynn den hymel/vnd wil mit
Gott one Christum handeln/der wird den hy-
mel leer finden/Gottes feylen/vnd den hals
sturzen/Denn so sagt Christus. Niemand kom-
met zum vatter denn durch mich etc. Menschen
oren vnd angē konnen Gott widder sehen nach
hören/odder müssen sterben Joha. i. Niemand
hatt Gott yhe gesehen/der eyngeporne son/der
ynn des Vatters scho is/der hats vns verkun-
diget/ Derhalbē auch die Aposteln wunsche den
Christlichen gemeynen allenthalben / das zu-
nemen ynn dem erkentnis Ihesu Christi/wil-
s iij we

wilche erkentnis vns zum vatter leydet / ynn
wilchem wyr gewar werden / wie der vatter
gegen vns gesynnet ist / Das wie er des sons
verschonet / vnser auch verschonen will / Den
son lest er ynn die helle sincken / sterben / vom
teuffel auff's hohste versucht werden / alle bos-
heyt vnd giff't auff yhn ausspeyen / vnd errett
yhn dennoch / furt seyn sache aus / macht yhn zu
eynem Herrn aller dinge ynn hymel vnd auff
erden / ynn wilchem spiegel ich gewiss bin / es
solle myr der Feyns schaden / Dieweyl ich friede
habe / den Christus gemacht hat / mit allem das
yn hymmel ist oben / vnd auff erden hyrunden
Eph. 1. Das were nach der Apostel weysse /
die rechte Studierung erkentnis Gottes kunst /
vnd der geyst der weysheyt / den Christus er-
worben hat / vnd gibt den die sich also / vmb
errettung willen / von der sünde / yhrs gewiss-
ens / vom tode vnd zorn Gottes / an yhn henge /
Syntemal aber dieser geyst ynn diesem ganzen
Psalm / der auff diese weyse Gottes kunst lernet /
wie wyr dahinden hören wollen / nicht mit ey-
nem worte / der lere gedencft / ist es klar das er
rasend vnd vn Sinnig ist / vnd nichts vber all
weyss vō dem geyst der weysheyt / odder Got-
tes kunst / wie wol er die wort mechtig vnd hoh
eyn her furet

Ich spüre yn ewrem brieffe ganz
emfige begyr zur warheyt . Darumb
das yhr also manichfaltigē vleys furt
wendet

furwendet zu fragen/nach dem rech-
ten wege.

Hie sihestu/was dieser frum man gesucht
hat/da er Thomas Munzer umb eyn vnter-
richt/wie ich droben gesagt/durch seyn schriffe
gebeten hat/nehmlich/wie er sich yn seyne lere/
die er zum offternmal gehöret/schicken möchte/
vnd des eynē rechten waren grund vber kom-
men/ darauffer bald antworten wird/das es
niemand widder verstehen nach auszulegen kan

Wilcher euch am aller sichersten
zuerkennen wird/ynn der reynen furs-
cht Gottis am .xviij. psalm. Celi
enarrant et c.

Dieweyl sich dieser geyst vnterstehet die
leute/den weg der warheyt zuleren/so müssen
wyr recht zu treffen/vnd anzeygen/wo mit er
vmb gehe /

Den spruch Prouerbiorū am. ix. Der weys-
heyt anfang ist des **Z** **E** **R** **R** **V** furcht/fu-
ret dieser geyst also/das ehr auff's leyden/das sie
yhn selbs erwelē/dringe/ wilchs erweltes leyde
Christus verpotten hat Mathei am .xv./ Die
Kinder des breutgams können nicht fasten/dies
weyl der breutgam bey yhn ist/ etc. Denn Gott
wil/ wyr sollen seyn also warten/das wyr das
tragen/das er vns aufflegt/vnd nicht tragen
das wyr erwelen/ So wil auch Salomon nichts
anders/dē wenn die weysheyt eyn haus bawet/
das ist/

Summa sapientie

Das ist/eyne gemeyne berufft/so welet sie dann
sieben sewlen/das ist/ viel lerer vnd prediger/
schlachtet yhr vihe/creat weyn auff/vnd richt
eyn tisch zu/ Das ist/Gott lest durch seyn wortt
beruffen die albern/auff das sie Flug werden/
die vnwitzigen auff das sie weyse werden/ Vnd
das geschicht auff diese weysse. Gott lest durch
seyn wortt/die albern yhr alberkeyt erkennen/
auff das yhn gefalle die Flugkheyt Gottes/
diemeyl sie alle bekennen müssen/yhre gedancē
vnd furnemen sey eytel torheyt/ vnd vermū-
gen nichts ynn den dingen die Gott angehen/
ya furen sie von Gotte/ Also vntergeben sie
sich Gottes willen vnd wortte/gleubē/trawē/
lieben/vnd dancken Gott/der sie zu solchem li-
cht vñ erkentnis hat geruffen durch seyn wort.
Fürchten yhn auch vñ bitten/ er wolt yhn diese
erkentnis seyn selbs nicht widder entzihē. Psal-
mo .i. Deyn heyligen geyst nym nicht von
myr/Lernen also mit liebe vnd furcht Gott di-
enen. Wie psalm. .ij. geschrieben stehet/Die-
net dem **I E R R U** mit furcht/ vnd frewet
euch mit zittern/ vnd Paulus schreybet Philip.
.ij. Volstreckt ewre selickeyt mit furcht vnd
zittern/denn Gott istis/der ynn euch wirckt/
beyde das wollen vnd das thun/darumb das
er eyn wolgefallen an euch hat. Auff die wey-
se verstet man nu/wie der anfang der weyscheyt
sey die furcht Gottes/das ist/das man Gott
machē lasse/vnd folge ymmer fort seynem wort
nach/denn es ist warhafftig. Dis folgen vnd
untergeben

Vntergeben nennet die schrifft den gehorsam/
wilchen das Euangelion auffricht vnter allen
heyden Roma. i. Vnd das sonderliche werck
Gottes Johan. am. vi. Das ist Gottes werck/
das yhr an den gleubt/den er gesand hat.

Vn feret dieser geyst zu/vnd macht eyenen
andern anfang zum werck Gottes/ vnd füret
die furcht des **I H R X V** auff yhre studierung
wilches nichts anders ist/ denn eyn erdichter
löffer gedancken/menschlicher vernunft/gesch
weygt der liebe vñ glaubens/ wilche entsprin
gen aus der predige von der weisheit Gottes/
wie kostlich vnd lieblich sie ist/vnd vernewert
die alte sophistrey/ wie alle die/die auff den
weg Gottes treten/anheben an dem greuel yh
rer sunden/ auch/ es stehe bey vns dis werck
Gottes anzufahen/Aber Gott erkleret es dar
nach mit seynem gesetz/ wie du bald horen
wirst.

Aber was ist das anders/ den Gottes gna
de vnd Christum verleugnen / vnd den freyen
willen widder auffrichten. So lauffen ahn/
alle die etwas neues wollen herfur bringen/
dauon Gott nichts lernet/ auch nichts dauon
zu leren beñohlen hat.

S. pavel sagt Ephe. .i. Coloss. .i. Wie
Gott seyne heyligen auß dem reych der finster
nis/ynn das reych des sons seyner liebe/ gesetz
hat/ damit er bezeugt/es sey eygentlich vnd
sonderlich Gottes werck/der könne es alleyne/
das hertze erleuchten / vnd zu ihm locken/
durch die

durch die freuntlickeyt vns ynn seynem son
erzeyget/ wie Christus sagt. Niemand kömme
zu myr der vatter zihē yhn dēne. Noch ist dieser
teuffel also vnſynnig/ vnd errichtet eyne eygene
ſtudierung/ darynnen er anſehet Gottes werck
zuwirden/ wilchs das geſetze vnd Gottes wort
hernach aller erſt erkläret/ ſurhin iſt es aber one
das wort Gottes da gewest/ aber nicht verſtā/
den/ nicht erkandt/ Diesen yrthum/ wie vngöt/
lich er iſt/ wiſtu erkennen wenn du dahindē
diſs Pſalms rechte aus legung leſen wiſt.

Da wird euch durch den heyligen
geyſt angeſagt/ wie yhr müſt lernen
durch das leyden/ Gottes werck/ ynn
geſetz erkläret/ euch zum erſten die au
gen eroffnet werden müſſen/

Hie ſieheſtu was ich geſagt habe/ das ſi
ynn yhrem eruelken/ errichtē/ leyden/ das wer
ck Gottes anfahen/ So doch das werck Gottes
der glaube/ leydē mitbringet vnd gebierd. Pſal
mo .v. nicht das leyden Gottes werck/

Yhr müſt eyn wort ymmer iege
das ander halten/ vnd die betrach
tung ewres hertzen dahin richten/ d
die ſonne aus warem vrsprung auf
gehet/ nach der langen nacht. Pſa
mo .i. 29. Wer die nacht nicht erlit
hat/ kan nicht die kunſt Gottes/ d
die na

Die nacht verkundiget der nacht / nach
ch wilcher erst das rechte wort erfors
er gezeuyt wird am hellen tage. Joha
annis am .viij. vnd am .xi.

Sihe lieber sihe / wie der geyst gauckelt / wie
er das hunderte ynn tausente wirfft / auff das
es ia finster vnd tuncel sey / das man yhn nicht
ergreyffe / aber die fusse ragen yhm herfur / er
berge sich wie er wolle. Hie lernet dieser geyst
was die studierung sey / nach der entgrobung /
wenn sie sich nahet der verwunderung. Entgro
bung heysset er das waldrechten / das leyden /
Mortificacionē / tödtung des fleysches angefan
gen fur dem wortte Gottes vnd gesetzte / welche
tödtung sie bringet zur studierung / dadurch
yhn die augen erstlich eroffnet werden / wie er
hie lallet / Da helt er schrift gen schrift / spruch
gegen spruch / richtet das hertz darauff / lest sich
düncken er richte es darauff / helt dich daran /
doch also / das er furhin sehe wo er hinnaufs sol
le / denn hie trawen sie Got nicht vmb eyn har
breyt / verwundern sich aber / der sprüche die sie
von Gott gehort haben / wie er solle der rechte
besitzer seyn yn der seele / sprechē / wie wē es nicht
so were / Ey solt Gott eyn solcher seyn / wie wen
nichts dran were / wie wē es nicht so were ? wer
wolt dichs gewiss machen / izund bin ich ynn
der nacht / wie kome ich zum rechten liechte / vñ
hie engsten / nortigen vnd zwingen sie sich selbst
mit gedanken / vnd haben mit dem lieben
Gotte /

Entgro
bung
mortifi
cacione

Gotte/ den sie hie eben halten als eyn botzman/
also viel zuschaffen als hettē sie yhn ynn eyner
reusen/were gefangen vnd müste thun was sie
wolden/ Wie kan der arme Gott nyrgend hyn/
er muss halten/hebē an Got zu lestern/ wilchs
sie doch vnter yhre tūgende rechen/vnd heysse
es/ynn der beweglickeyt stehen/vnd sprehen/
Dieweyl ich denn also vngewiss bin/was ich
von Gott halten soll/vñ er hat gesagt/er wolle
es eynem ydern geben/der es begert/so wird
Gott nicht Got seyn/weil er mit mir selbs nicht
rechtet besitzt mich vnd bericht meine seele/wes
sie sich haltē soll/gehen also etliche tage vñ wo/
then/beschliessen ynn yhren gedancken/Sie
haben schlecht keynen Gott nicht/Es sey keyn
Gott/das heysen sie den den tieffen vnglaubē/
das er denn eigentlich ist/vnd leider al zu tieff
vñ gantz bodenloss. Nach diesem gehen sie ynn
eynen wald alleyne /odder krichē sonst ynn eyn
winckel/speyen gen hymmel/ trotzten vñ puchen
Gott vñ sprechen. Herre hymmelischer vatter/
gib myr ynn meyn hertz die ausgestrackte lust
zu deyner gerechtikeyt/auff das ich den tieffstē
en vnglauben vberwinde/durch deyne gerech
tikeyt/vnd wisse wes ich mich halten solle/w
nicht/so wil ich dich vnd alle deyne Apostel
verleugnen/ das heyst hie dieser geyst mit ver
blömbten wortten(denn er schemet sich feyn
decketes zu/vñ lest doch die füsse herfur ragē
die betrachtung des hertzen da hyn richten/d
die sonne aus waren vrsprung auffgehe/nach
der lang

Der langen nacht.

Wenn nu dis geschicht/das sie gen hymmel
gespeien vnd Gott also getrozt haben/ So ist
dem armen Gotte viel an den leutten gelegen/
er mus fortt'er mus kommen/wo sol er hyn?
Also kommet der besitzer yñ das ynwendigste/
ynn des besitzers stad/besizet sie/vergottet sie/
vnd gibt yhn eyn gewiss vrteyl ynn yhr hertz/
das sie von eym itzlichen wortt vrteylen Kön-
nen/werden Got gleich solche hymelische pro-
pheten/durch die lebendige stymme/vnd enge-
lische geyster/wie du hie leyder an diesem armē
menschen sihest/vnd ich an seynen bundgenosse
itz newlich gesehen habe/ die aller welt leyb
vnd seele verderben. Dis ist die besprengung
vnd bereytung/ Vnd hie meynen sie denn sie
haben die rechte kunst Gottes vberkommen/
die sonne ist yhn außs yhrem waren vrsprung
ge auffgangen/ die nacht ist hyn/ der tag hat
yhn geleuchtet/sie seyn des rechten besitzers satt
worden/das wort scheynt am hellen tage/Sol-
che leute sollen predigen/denn sie seyn Gottes
Künstener worden/da die nacht der nacht (das
ist der tieffe vnglauben/gen hymel speyen vñ
Gott lestern) die kunst Gottes verkündigte/
vñ seyn Jacob gleich/danon der .cxix. psal.
sagt/sie haben gewart die nacht durch bis wid-
der an den morgen/wie itz folgen wird/

Aber lieber Hergott/Wen solt doch dieser
leutte blindheyt/vnd Gottes offentliche leste-
rung nicht erbarmen vnd erynnern/des schatzs
Den vns

den vns Gott fund durch seyn Euangelion
widderrumb geben hat / davor yhm eyn izli-
cher Christ genug zudancken hatt/dieweyl es
so leichtlich ist / vnd doch gewlich / von Gott
abzufallen/wen er zulest/das vns vnser ehr bes-
tehet/gutt/gelt/odder ander ding. Sie machen
sich Christo gleich/treten an seyne statt mit Got
vnerschrocken zureden / der doch so eyn hohe
maiestet ist/vnd den weg zu yhm zukommen/
durch Jesum Christu vnsern Herrn/auss milter
gnade vns gezeyget hat/also /das wer auff eyn
andere weysse yhn suche seyn feylen solle/ Denn
sie gedencken Christus nicht eyn eyniges mal/
den Sant Paul mit solchem ernst treybet an
allen ortten/wo Gottes gedacht wird. Auch
allegirt der geyst den .c. vnd .xxix. Psalm/
darynne er seyn Gottes lestern vnd angenome-
ne nacht vñ den tieffsten vnglauben/dem hart-
ten todkampff Jacobs/da yhm Gott absagt/
vergleicher/ So doch alle schrifft das leyden
wil getragen haben als sey es eyn gnediges
mutter steupen/wenn es Gott aufflegt/darynne
wyr stehen vnd rhumen vns der hoffnüg etc.
Wilchs leyden wirckt gedult/gedult gebyrre
erfarung/die erfarung bringt hoffnüg/hoffnüg
lest nicht zuschanden werden/Denn die liebe
Gottes ist ausgossen ynn vnser hertz/durch den
heyligē geyst wilcher vns gebē ist/zun Rhömern
am .v. nicht das wyr erwelen/wie dieser teuffel
thut mit seynem ertichten wahn vom leyden.

Hymelische

Hymelische menschen müssen es
seyn/die den preys Gottes mit nach
teyl yrhes namens suchen/man mus
alle augenblick ynn der ertodtung des
fleyschs wandelen/sonderlich das vn
ser name den Gottlosen heftlich stin
cke/denn kan eyn versuchter/Gottes
namen predigen/vnd der zuhorer/
mus vorhin Christum haben horen
predigen/ynn seynem hertzen/durch
den geyst der forcht Gottes/do kan
ym der recht prediger zeugnis genüg
zugeben/Die werck der hende Got
tes müssen die ersten verwunderung
von Gott vberweyset haben/es ist
sonst alles predigen vnde schreyben
verloren/Wer ynn solchem ding stet
lich geubt wird/der kan alle rede
vornemen/mit vnstreflichem vrteyl
solcher menschen namhaftige vnter
richt/mus erschallen ynn die ganze
welt/an alle grenze der gotlosen/
auff das sie sich mit yrher vn Sinnigē
B gewalt

gewalt entsetzen / fur dem der sie
durch den andern Jehu wird vn/
terrichten .4. Regum .9.

Bis hieher hat der geyst seynen glauben
berechnet / vnd eynen eyngang gemacht zum
Psalm / wie du gehoret hast / Erst gryfft er zum
Psalm / vnd legt yhn aus / also geystlich / das
sich der geyst verleurt / vnd kan vor grosser ver
wunderung vnd langweyl / ya wansinnikeit
vnd rasen nichts anders sagen / denn die hymel
mel vorkundigen den preis Gottes / das ist / hy
melische menschen versucht ynn leiden / die
den creaturn entrissen seyn / als er vnd seyn
gleichen / felt Gott ynn syn gerichte / heist die
alleyne hymelische menschen / welche berte tra
gen / ym anhangē / lassen sich von yhm anschret
ben / die andern seyn alle Gottlose / fur denē stin
cken sie als die Gott durchgeysteten durch die
verwunderung / gen hymelspeung vnd leste
rung Gottes / Das seyn die prediger .

Wo nu solche vorsuchte prediger seyn / die do
aus der langen nacht / ynn den forzen tag / ynn
den waren vrsprung der sonnē vñ desmonds /
vñ aller gestirn kommen seyn / do konnen sie al
leyn verstanden werden / von den / die Chris
tum furhin haben ym hertzen horen predigen /
durch den geyst der forcht Gottes .

Da da horestu das brausen vnd schnauben
der teuff

fels nasen/ da Hiob von sagt.

Erstlich massen sie sich an eyns Gottliche wer
cks/ vnd sagen sie seyn die leut die andere sol
ten frum machen/ Zum andern setzen sie sich v
ber Christum/ also das yhr predige hoher sey/
denn Christus predige/ mache aus Christo ey
nen Mosen der die leutte schrecke vnd verdamm
me/ vnd yhn sey befolen als den rechten predi
gern(Christus ist eyn lincker prediger) Chris
tus predige ym hertzen geschehen/ zu meystern
vnd zubesetigen.

Summa differ teuffel setzt sich an Gottes
stadt/ vnd vndersteht sich die leute from zuma
chen/ vnd reyst doch hinweg/ das mittel/ da
durch man sol from machen/ wie auch differ
Psalm Klerlich ausdrucht/ Gott will man sol
das Euangelion mit leiplicher stim predigen/
man sol es auch mit leiplichen eusserlichen orhe
horen/ vnd wens also eusserlich predigt wird
vnd gehort/ so wirckt er durchs wort ym hertz
en / vnd rufft die / die er wil haben/ Aber
differ geyst keret es vmb/ vnd geyget ymmer
auff der alten ban / vnd sagt/ Christus mus die
furcht ym hertzen geprediget haben / ehr man
das wort hore.

Ja dis ist der heuptpunct / darinne differ
teuffel so grenlich anleufft/ Er sihet es geschicht
ym schade durch die mundliche predia des EA
uangelij/ die Gott widderumb gnediglich hat la
ssen auff gehen/ man horet es/ man gleubt yhm/

B

ij

seyn rey

*Erstlich
vmb man
zu predigen
sollen*

seyen reich wird gemindert/darumb wolt er es
gern wiider hinreissen/die leutte auff eyn win-
ckel iagē/ Gottes auff eyn andere weyse zu war-
ten/ den er befohlen hat. Zu Konnen sie nicht
fur uber / disser Psalm dringet zuhart drauff/
vnd spricht das dis sey die ankunfft aller seli-
keit (yhr richtscheit ist ausgegangen ynn alle
land/vnd yhr rede an der welt ende/ ehr hat
der sonnen eyn hutten ynn den selben gemacht)
Das ist/ Gott schickt prediger/ die gesand seyn
vorkundigen Gottes wortt/ man hort sie/ Got
ist neben dem eusserlichen wortt / ruret etlichen
leiplichen zuhorern das hertze durch seynē geist
wilchē Christus erworben hat durch seyn blut/
Man gleubt dem wort / man erkennet Gottes
gute/vnd hat lust am wort Gottes/ man wird
den sunden feind/man rufft vmb hulffe/ Gott
gibt hulffe/das ist denn selikeit/Rhoma.i. vnd
Rhoma.x. Vnd auff die weyse ist das Euange-
lion / das eusserlich geprediget wird vnd ge-
hort/wenn es durchs ohr ynn hertz fellet/eyne
Krafft Gottes zur selikeit/allen die dran gleu-
ben/Rhoman.i.

Von disser predige aber weicht disser teuf-
fel zur seitten aus / hebt eyn neues an/ gehet
mit der lebendigē stimme von hymel vmb/stu-
diert die weil vnd verwundert sich/lest sich be-
reynen/vnd werden so verstockt vnd vngelert/
das sie wedder yhr trewne/ nach die reyne le-
re des Euangelij verstehen Konnen/wie ich itze
ynn

yenn den Ostern selbs gesehen vnd mit schmer-
zen gehört habe.

Ich mus alhie erzelen eyn exempel dieses get-
tes/das eyn yder sehen muge/ wo mit differ-
teuffel umbgehet/ vnd wie fern er den creatu-
ren entrissen sey. Thomas Muntzers weib hat
yhm auff den ostertag Anno etc. xxiiij. eynem
iungen son bracht/ Nun seyn etliche aus den vn-
fern die zeit zu Alster gewesen/ vnd ist des schos-
fers weib da selbst kommen zu Thomas Munt-
zer/ vnd gesagt / Er Magister/ Gott hat euch
eyn iungen erben geben/ des solt yhr yhm dan-
cken / Darauff hat Thomas keyn wort geant-
wort/ auch keyn zeichen von sich geben/ als sey
es yhm lieb/ das yhn Gott begnadet hat mit
eym sohn. Do aber die schofferin widder hin-
wegt ist gangen/ hat sich Thomas umbkert zu
den vnsern/ vnd gesagt/ Nu sehet yhr furwar/
das ich den creaturen ganz entrissen bin. Ach
des elenden teuffels/ regen yhm doch alzeit die
Flawen erfur/ Gott lest der natur yhren gang/
wie er sie geschaffen hat/ weil es seynes namens
ehre nicht betruet / das auch die freude der lies-
ben veterer vnd Patriarchen/ die sie hatten vber
yhre Kinder/ hoch ynn der schrift gelobet wird
denn Abraham hies seinen sohn fur freuden Ja-
saac/ lachen/ Vñ Gott will das wyr an der lies-
be/ die wyr zu vnsern Kindern tragen/ lernen sol-
len/ wie seyne liebe gegen vns seynen Kindern
Gethan sey / wilche. S. Paul Philostorgian

B

ij

heyst

Handwritten note in red ink:
Muntzer
weib hat
yhm
ein
junger
son
bracht
am
ostertag
Anno
etc.
xxiiij.
S. 127
S. 128
S. 129

heißt/ ehre suchen sie/ vnd die wird vor yhn flie-
hen/ Den wer ehre sucht/ fur dem fleuhet sie/ wer
sie aber nicht sucht/ / zu dem Kommet sie.

Dis seind nu die versuchten vnd geubten
prediger/ aus der langweil/ mit yren zuhorern/
ynn welchen die werck der hende Gottes denn
tiffsten vnglauben ynn der verwunderung vnd
lesterung überwunden haben / das ist/ wenn
sie der teuffel also gefast hat/ das sie yhn nicht
entlauffen mügen/ Die prediger geben zeugnis
genug/ die zuhorer entpfahē des gezeugnis/ do-
ch also/ das Christus dahinten bleibe/ darynne
du fur augē sihest/ wie disses teuffels art ist/ das
geistlich zumachen vnd ynnerlich/ das Gott eus-
erlich vnd leiblich haben wil.

Nu wirstu hie weitter sehen / wie sie das
eusserlich vnd leiplich machen/ das Gott ynner-
lich vnd geystlich haben will/ vnd hie wird sich
der teuffel fein selbs fahen.

Der geyst sagt/ wer ynn solchen dingen stet-
lich geubt wird/ der kan alle rede vernemen mit
vnstrefflichem vrreyl / vnde solcher menschen
nainhaffrige vnterricht mus erschallen durch
die ganze welt/ an alle grenze der Gottlosen/
auff das sie sich yhrer vn Sinnigen gewalt ent-
setzen / fur dem/ der sie durch den andern Jehu
wird vnterrichtem. i. iij. Regum. ix.

Hie faren dem teuffel aus seynem munde fa-
keln / feurige brende vnd flammen/ seyn hals
ist hie starck/ vnd hie euget er die lust/ die er hat
etwas

Etwas guts / zu verderben / Diffe predige vnd
differ geubter prediger stimme / die weil sie
eyn vnstrefflich vrteil ynn yhrē hertzen haben
sal mit fenstē dreyn slahen / vnd mit fussen auff
die Gottlosen tretten / Das wortt Gottes vnd
predig ampt sal die hertzen stil machen die hand
zung vnd alle gelider / einzihen / yhn yhr luste
benemen / todslag weren / hasz vnd neid dempff
fen / die hende vem todslag / mord vnd reuberey
abziehen / Ephe. vi. also das es wircke eynen
geistlichen fride / So speiet differ teuffel hie
femt / vnd wil Jehu seyn aller Gottlosen / das
ist aller die nicht berte tragen / die nicht eyn ge
schriben seyn / die nicht getrauwen zehen Got
losen mit eynem silzhutte zutodt zuwerffen / zu
erwurgen / vnd wie Thomas izt neulich geschri
ben hat / frisch hemern / vnd bincē bincē bincē
bincē spilen auff dem amboss Nymroth .

Doch bitte hie alle die dis lesen werden / sie
wolten doch vmb Gottes willen dissen teuffel
kennen lernen / das er eyn morder ist von an
fang / vnde alle seyn studierung / verwunderung
vnd langweil / da hyn gericht sey / das er wurge
vnde todslahē .

Sie haben drey bucher / darauß sie die
vrteyl Gottes studieren / die funff bucher
Mosi / dareyn sie rechen Josua vnd Judit
cum / die bucher Samuels / vnd Hiob / wu
ynn dissen buchern gedacht wird eynes mors
des / als vom Abraham / Josua et cetera /

B

iiiij

so

so deutete sie es auff sich/sie seyn Moses/ Josua/
Abraham etc. Widderumb alle die Feyn berre
tragen vñ widder sie halten/seyn Gotlose vber
die haben sie recht zutodten vnd zu morden.

Anno .M. rvc rrv. Sontrag quasi modo
geniti frue/ward eyn Thomist gefragt zu Lisle
ben/ da hin der teuffel seynen samen starck ge
sehert hat/ist auch starck auff gangen) was er
vom wortt Gotts hielde / antwort er/ wie ers
von diesem teuffel gelernt hatte/ er hette ynn
seynem hertzen eyn vnstrefflich vrtail aller lee
re vnd wortt Gottes / da fragt man wetter/
was doch das vrtail were/antwort er wie vor/
er hett es ym hertzen / vnd wust es gewiss.
Fragt man/ist denn das vrtail der glaub? sagt
er ja. Fragt man / wie kompt man zum glaub
ben? da schweig er/ Denn hie sollen sie bekenn
nen/wie sie gen hymel speyn / vnd aus der stu
dierung ynn verwunderung komen / wie ich
droben erzehlet habe/so schemen sie sich/bergens
vnd schweigen/wie Thomas auch selbs thutt/
(Den differ man zu dem Thomas disen psalm
geschrieben / hat mich bericht/er hab Thomam
selbs gefragt/wie er doch zum glauben komen
solle / vnd Thomas habe geantwort /er konne
es yhm nicht gesage /sunder er musste dartzu ko
men/wie er dat zu komen were/Also machen sie
die gewissen blöde/vñweñ sy sie troste sollē/wis
sen sie widder welse noch rad / das thutt der
heylige geyst eygentlich nicht/ sondern er lerne
offentlich

*Das ist ein vnterschied
im glauben von dem ynnern*

öffentlich vnd troestet sichthlich) Da ward er
weyter gefragt/ ob man zum glaube keme dur
ch das gehore/wie S. pavel lernet? Sagt er/
Ja. Was ist dē das gehore? Das wort Gottes.
Was ist denn das wort Gotes/ist es nicht das
Euangelion? Ja. Was ist Euangelion? Ant
wort er mit nidergeschlagenem Kopffe / er wu
ste es nicht/er wer der schrift nicht fast berichtet/
er kunde auff solche frage nicht antworten /
vnd disse war durchs ganze land beruffen/ er
herte gesichte vnd trewne / vnd were vnder dis
ser rotte eyn Capitener. Also verfuert der teuf
fel die leutte/blendt vnd verstockt sie/ das sie
widder Gott noch seynes sons Euangelion wiss
sen/vnd schreien sich doch aus / als seyn sie die
aufferwelten.

Des andern tages hernacher war eyner aus
den furnemsten dieser teuffels schulen/ vnd do
er raum gewan zureden/sagt er / da man vhn
fragt was er mund von seynē schulmeister Tho
mas Munzer hielde / die weil er fur augen
sehe / er ginge mit mordereye vnd rottere
ye vmb/er kunde es nicht richten/Denn alles was
Thomas auch eusserlich tette/wer eyn geistlich/
nicht eyn leiplich / ynnerlich/ nicht eusserlich
todten vnd morden/ Vnd do es weiter zureden
kam/ sprach er/ man drunge seere auff Chris
tum/was man wol eym thun wolde/ der eyn
Jude were/ vnd hielte/ Christus were nie yns
fleisch auff erden geboren / ob er drum nicht

B

v

Fid

Kund selig werden/ wenn er (per impossibile)
ynn Gott glaubt ?

Es ist lecherlich vnd doch greulich/ wenn
man Gottes gericht ansihet/ das Thomas stet
dts bey sich hat/ eynen alten man vnd eyn iun-
gen/ die haben alle nacht trewm vnd gesicht/
vnd des morgens legt er die trewme vnd ge-
sichte aus/ dar von predigt er vnd schreiet denn
gleich als kund der tenffel / die armen leut
nicht also mit laruen vnd gesichten verführen.

Das erzehle ich darumme/ das eyn yder sehe
wie weit disse arme elende leute von Gotte sein
abgelauffen / vnd wie yhnen/ die weyl sie Got-
tes wortt verachten/ new fundlin finden/ vnd
sündigen auff Gotts barmhertzikeyt/ mit zorn
vñ vngnaden gelonet wird/ vnd wyr/ die wyr
das liecht haben/ vrsach gewinnen vns fur Got
zufurchten/ ynn seynem erkennenis vnd liechte
wandeln/ vnd eynen vatter nennen/ der vns
fur solchem greulichem fall gnedlich wolle
behutten/ **ANKE 17.**

Got ist eyn freuntlicher breutgam
syner gelibten/ er lest sie allererst ver-
worffene dienstmegde seyn/ bys das er
sie bewere/ do sicht er andie nydrigen
ding/ vnd verwirfft die hohen. Psal.
Cxiij. i. Regum .ij. Seuter. xxxij.

Dauid ym geist verkundiget/ wie es sol mit
dem Euangelo zugehen/ nemlich das es verkü

Digen werde Christum die ewige ware sonne/
die do lauffen wird von eym ende der welt/bis
ans ander ende/das ist/das Euangelion werde
ausgepredigt werden vber alles was lebt auff
erden/welche predigt das wircken sol/das sie
verkundige Christus sey eyn breutigam/der do
fried vn̄ freud vns gemacht hat mit Gotte vn̄
allē das do ist ym hymel droben vnd auff erdē
herunden Eph. i. Colss. i. welchs do seyen die rei-
chen schetze die Gott durch Christum zugeben
verheissen hatte/das ynn Christo alles das su-
sse/lustigk/lieblich / vnd feliklich sey/das fur
Christus zukunfft vnd ausgang aus der schlaf-
ffkammer/schrecklich war vnd verdamplich. Also
wan das geseze Gottes sagt/du solt Gott liebē
vber alle ding/adder must sterben/Du solt ni-
chts begeren/adder must sterben/so ist es myr
eyn vnfruntlich wort/Wen aber das Euange-
lio kompt/vnd sagt der breutigam ist hie/wer
des styme horet der ist seyn freund Joh. iij. so ist
myr das geseze nicht meer schrecklich sondern
heilig/kostlich/gold vnd silber wie es hie auch
auff die weyse der prophet ausspreycht/vnd Pet-
rus beweisset auff dem berge Thabor Luce. x.

So fert dysser schwarze teuffel eynher mit
seyner verwunderung/leiden tieffitem vnglau-
ben/lallet vnd schwartt vergebens / vnd weis
selbs nicht was/furets entlich widderumb auff
das eusserliche werck Gottes/auff die Gottlosen
zutodten vnd wurgen wie folget .

Die

Die allegat aus dem psalm/ Samuel vnd
Mose / lauten alle von den/die fur der welt
vnrecht vnd gewalt leiden beschwerd vnd vn-
derdruckt werden / der schutzer wil Gott seyn/
Den hoch sitzt er/aber tieff sihet her/ So zeuhet
er es wie du sehen wirst/auff sich vnd seyne rot-
te/ den Gott als den verachten vnd stincken-
den fur der welt/gewalt geben habe/die gottlo-
sen todzuschlahen .

Es scheinnt wie die Gottlosen /
ewig solten das regiment behalten /
aber der breutgam kummet aus der
schlaffkammer wie ein gewaltiger der
wol berzecht ist/der es alles verschla-
ffen hat/was seyn gesinde anricht /
Psalm. lxxvij. Ach do müssen wir bit-
ten/ich meyne es sey zeit / Exurge
quare obdormis . Da hat der HERR
K E ia ynn dem schifflein geschlaf-
fen / das der storm wynde der frech-
en gottlosen / das schyffleyn ganz
schier zubodem geworffen hette / So
steht der breutgam auff von seynet
schlaffkammer/wenn man die stimme
des

des warhafftigen besizers ynn der see-
le horet / Johan. iij. Darnach frag-
wen sich alle auserweleten mit Jhesu /
sagen Luce am. xij. Ich mus mit
eyner andern tauffe vbergossen wer-
den / denn mit der tauffe Johannis /
vnd ich werde seere gepeyniget / das
ich solchs volfuere. Das stymmet
gleych eyn mit diesem psalm. Exultavit
vt gigas / Er ist wunsam gewes-
sen / wie ein riese seyne strasse zuwan-
dern.

Wie sihestu aber mals den damffp vnd
rauch der teuffels nasen / denn er heist leiden ni-
chrs anders / den die gotlosen zu todtslahen / der
brutigam ist nu auch kein ander brutigam /
denn ein blutbrutigam / wie Moses weib vber
Moses schreit / das ist / das sie blut vergiessen
sollē / also gar kan der teuffel seyn eygen schal-
theit nicht schweigen / ia er mus aus Gottes ge-
richt vnd vrteil seyn eygen namen ausschreten /
wie der kukuck / vnd wie der wolff schreiet / lam
lam / also schriet der teuffel / slahet todte die Gott-
losen / slahet todte die Gottlosen / wā er auch von
der rechten leere / darynne er etwas vermeint
zuseyn / soll reden / Disses greuwels vnd flammē
des

des teuffels/ hat Thomas zu Alstet zeichen ge-
lassen / das/ wenn man ynn der Messe die Epis-
stel lass / so sang man alweg hinden dran/ des
teuffels reim/ den er furet.

Man soll die fursten zu todt
slagen / und yhr heuser vor-
brennen.

Wan eyn mensche seynes vrsprun-
gs gewar wyrd / ym wylden meer
seyner begegung / Wan erh nun mit-
ten ym schwanc ist / so mus er thun
wie eyn fisch der dem faulen wasser
von oben ernydder nachgangen ist /
kert widderumb / schwymmet / klim-
met das wasser widder nauff / auff
das er ynn seynē erstē vrsprung muege
kommen / Die aufferweleten muegen
nicht zu weytt von Gote kommē Ehr-
sendet aus seyn fewer Luce . xij . fur
wilchem sich niemand verbergē kan /
das es seyn hertz / seyne gewissen nicht

solte

solt treyben/ Wye wol die auserweltē
mechtige grosse sünde thun / treybt
sie doch das feur yhres gewissens/
zum ekel vnd greuel der sunden/ Wen
sie solchs betrubniss vnd greuels
wilfertig des selben pflegten/ den kon
nen sie nicht sundigen/ Das heys ich
die langweyll / die den wollustigen
schweynen so spottisch ynn die nasen
geett.

Wie gerne ist doch der teuffel vnser Her
gottes affe/ wie gerne wer der teuffel Gott/ Dis
ser man ist nun bericht des wegēs zu Gott/ auff
das aller ertigst vnd so einfeltig vnd ordent
lich/ das es Thomas gewislich selbs nicht ver
stehet/ izund leret er yhn weiter / wie er sich
halten sol/ wen er vnderweylē des werck's Got
tes nicht recht warnympt/ das ist/ das er die fre
chen Gottlosen nicht erwurget/ vnd wie er wid
der ynn seynen ersten vrsprung kōmen soll/ hie
mussen disse auserwelten eytel stockfische wer
den/ feintlich lecken/ zappeln vnde swimmen/
auff das sie ia nicht vernunfftig bleiben sonder
thierer werden.

Nū der Christlichen Kirchen seyn zwey stus
cke/ die Christus Luce vltimo befylt seynē iun
gern

gern zu predigē ynn seynem namen/ busß vnd
vergebung der sünden/ Welche nun von yhren
sünden entpunden seyn/ vnd gnad/ trost vnd
stärke yhrer gewissen/erlanget haben / den ge
hort das sie ye mher vnde mher fortfaren yhrē
beruff zu volstrecken/wenn sie dem volgen/ der
ynn yhn / durchs wortt zuwircken hat angefan
gen/auff das von yhn gesagt sey/ Wer do hat/
dem wirt gegeben werden/ also/ wenn cyner
aus disen von fleisch vnd blut vbereylet/ ynn
sunde fiele / widderumb auffstehe durch des
namen vnd heyliges wort/ der yhn erstlich zu
seynem liechte beruffen hatt / Ihesus Christus
vnser HERR / das die zwo predigen von der
busß vnd vergabung der sünden/ gehen sollen
bis ans ende der welt an auffhoren/ vnd treffe
alles was auff erden lebet/daran wyr zulerne
vberley genug haben/weil wyr hie seyn auff er
den/das S. Paul nennet/zunehmen ym erken
tenisse Christi/das wyr erkennen/das fleisch vñ
blut stets kempffe widder den geyst / Rhom. viij.
Vnd ab es schon etwas an vns erlange / doch
nicht schade/die weil wyr gerne wolten fleischs
vnd bluts los seyn / Rhoman. viij. Daher den
gehoret der text Matthei. xvi. du solt nicht sieb
ben mal vergeben/ sonder siebentzig mal sieben
mal .

Dis alles das die schriftt gibt dem wortt
Gottes/durch wilchs Gott alleyne seyn gnade
vns furtregt/ schenckt vnd eyngewist/ darnach
treibt

treibt/ vbet/ schneyttelt/ beschneyt die weynre-
ben/ die do stehen ym weynstock / Johan .rv.
wunschen zuletzt dis fleysch zugelosen vnd mit
Christo nach der todtrung des alten Adams /
widderauffstehen vnd ewigklich regiren/ fur
gumb die busse/ die wyr thun vnser lebenlang
nennet disser geyst die langweyle/ vnd gibt es
vber dem freyen willen/ das es an den liege/ die
fische seyn ym wilden merhe/ widder vbersich zu
schwimmen/ wenn sie gewar werden des eckels
der sunde/ das denn nicht war ist / vnd Gott
nicht leyden kan / des gnade durch Christum
vns erzeitget / durch disse lere geschmehet/ vnd
auffs hoste gelestert wird .

Disser teuffel sagt / Wenn eyn mensch sey/
ner sunde gewar wyrd/ so treybe yhn der eckel
der sunde zu Gott/ vnd ynn die studierung vñ
ynn die verwunderung/ das ist auff gurt deut-
sch gesagt/ der mensch kan von yhm selbst Gott
kenne / vñ bedarff Christus nyrgend zu/ Wid-
derumb/ wenn er außs seyn ersten vrsprung/
dareyn er eyn mal kommē ist/ abfellet/ so klim-
met vnd winnet er so lange/ vnd ist ynn der
langweyle/ bis er widder hyneyn kompt/ das
ist auff deutsch gesagt/ der mensche hat keyne
sunde so gross/ er kan yhr von yhm selbst los
werden/ vnd bdarff Christus nyrgend zu/ Das
heyst ia/ meyn ich/ Got gelestert/ Vnd das dur-
ffen sie noch rhumen/ Gott leere sie es/ wenn er
mit yhn redet / vnde dis sey die stymme des

E

WAR

warhafftigen besizers/ die ym hertzen gehortt
wird.

Gott sagt aber/durch Christum ym Euan-
gelio/kommen wir zu yhm / vnd wenn wir
von yhm fallen auss schwacheyt vnser sleychs
so rufft vns Christus geyst widder zu Gotte/
der fur vns bittet vnd flehet / Gott wolde vns
vnser sunde nicht fur sunde rechen/hilfft vns/
reicht vns die handt ynn der nott vnd sterckt
vns er schwacheyt/Rhoma. viij. disse hulffe aber
haben die armen leute nie entpfunden / dar-
rumb müssen sie die die Gotte recht vertrauwē
wollustige schweyne heysen/den sie sind dieses
geystes vnwirdig/werden auch von yhm nicht
regiret/sondern von dem/der also durch sie/aus
seyner nasen rauch dampff vnd aus seynem hal-
se flammen vnd feur speyt/dardurch er des war-
hafftige geysts lere gedencet vnterzudrucken/
Aber Gott wird es yhm weren/Amen.

Welche vorfluchen das alte Testa-
ment/ disputiren vil aus paulo von
wercken / verschumpiren das geseze
auffz eusserlichste / vnd haben den
noch nicht die meynung Pauli/sol-
ten sie auch zu prasten.

Strahans sta /wie reist sich hie der geyst/
wie lebt er/wie tobet er/wie ist er dem paulo
also feynd/er thut hie eben als wenn Christus
von

von den menschen die teuffel austreybt/er weys
yhe nyrgend zu bleyben/ist gifftrig auff die/ die
langweyl nicht annhemen/die weyl sie Chri
stum ym alten testament/den vettern verhey
schen / annhemen vnd gleuben/ der das geseze
fur vns erfullet/die wand zurissen/vnd vnser
handtschrifft/erobert/das ist/vns von sund vn
gewissen erlediget/vom teuffel gestreyt/ym todt
gestercket/Aber sihe zu / wie feyn er von dem
geseze predigen wird.

Das geseze Gottes ist klar/erleu
chtet die augen der aufferwelten/mas
cht starblint die gottlosen/ist eyn vns
tadliche lere/wenn der geyst der rech
ten/reynen forcht Gottes/ dadurch
ercleret wirdt/welchs geschicht/wen
eyn mensche seynen hals fur die war
heyt setzet/wie Christus sagt Luce xij.

Sehe da hastus / wiltu nach mehr vom ge
setze? Ich meyne ia sey anders aus S. pavel
gezogen/denn die wollustigen schweyne thun/
der geyst kans/geseze heyst nicht das den zorn
wircke/ia es macht das eyn mensche seyn hals
setzet fur die warheyt/ also gar weys der geyst
nicht was er lallet/ gybt dem buchstaben vnd
dem

dem freyen willen / das er sol Christo geben /
der alles lieblich macht auch den tod / was sunst
schrecklich ist / wie droben aus S. Paul. Ephe. i.
beweyset ist / Das es war sey / wie ich ym ersten
gesagt habe / des teuffels reich habe grosse / prech-
tige wort ane krafft / Christus reich aber hatt
schlechte / eynfeltige / gerynge wortt / vnd vill
krafft / Der teuffel wolt gerne auch offentlich /
gleich wie ym hertzen Christum vnd alle seyne
Apostell / das ist seyne Euangelion verleucken
wie sie sich ynn der verwunderung / ym tieff-
sten vnglauben / ynn der speyung gen hymel
horen lassen / das yhn auch leyder allzubald wi-
derfert / vnd mummelt doch / als wolt er sie bley-
ben lassen / denn sie liegen yhm ym weg / vnd er
kan nicht furuber vnd wolt doch gerne / Nu er
wird sich noch bas erfur thun .

Paulus hat solche werck des ges-
etzes gebotten / Kurtzumb / sie seyn auch
von notten / wie wol die gottlosen eys-
tel sophistische vñ den gedichte Paul-
lum erfur brengen Das Paulum keyn-
mal getreumet hat / mus yhr allegat
seyne / aus zum teuffel mit solchen pres-
digern / Paulus sagt von den losen
lumpen / do die gottlosen die aussers-
weleten mit verfuren / do kommen den

vnser lose freche bachanten / vñ meynen sie habēes troffen / wan sienur das 4. Capittel Rho. allegirn / wie Abraham vmbsonst Gottes gnade vberkommen habe / nemen aber nicht dartzu das xv. Capitel genesis vnd den . 31. psalm. Beati quorum / werden ym selben Capitel durch Paulum allegiret / wie der mensche durch maniche stacheln seynes gewissens / von Gott zu erklerung der gnaden / die schon vor hyn drynnen ym hertzen wonet / getrieben wird.

Ich meyne ia er hab es yhm gesagt / lauff myr mehr nach / Aber hilff Gott wie hewet sich der geyst selbs ynn seyne zungen / das grosse stucke eraus fallen / Er solt hie das maul auff thun vnd recht von dem ortt reden / denn es eben der ist / der vnser selickeyt betrifft / vnd an welchem disser teuffel den tod frist / das weys er woll / darumb schewet er sich / vnd will nicht hynan / Das gehore des worts sol er leylich bleyben lassen / so macht ers geystlich / vnde wandelt die leylich stymme des predigers ynn eyn lebendige stymme des geystes / der ym hertzen redet / Hie feret er es aber vmb / macht die gere-

C

ij

chtifeyt

Chrikeyt/die alleyne fur Gott giltt/die er sol yn
nerlich vnd geystlich bleyben lassen/ eusserlich
vnd leyplich/ Denn er sagt vnverschampt/wyr
werden frum fur Gotte nicht aus lauttern gna
den / sondernn durch maniche stachel vnfers ge
wyssens etc. Das ist durch werck vnd den fry/
en willen des menschen.

Er bewerd auch seyn ding hinder sich/ Den
der .xi. psalm sagt ia Klerlich/wie ynn auch S.
Pauel anzeuhet/das die alleyne selig sind/wel
chen Gott die sunde zudeckt/vnde nicht fur sun
de rechnet/welchs ia gnade ist/nicht verdinst/
Des gleichen thut auch das. xv. capittel Gene
sis/da es klar wird/wie Abraham gegleubt
hat / vnd ist fur Gott gerecht geacht / ehe ehe
yrgend eyn werck than hatte.

Summa/der teuffel mus yhm selbs eyn ey
gens machen/vnd aus Gottes gericht sich selbs
mit seym eygen swerd slahē/wie er allzeyt pflegt
also seyn lohn zuentpfahen.

So hoch als Paulus auff den
glauben treybt ane vordinst der wer
ck / also hoch treyb ich auffss werck
Gottes zu leyden Esa . 5 . Joh . vi.

Was will hieraus werden/ Irzund newlich
hat er gescholden auff die falschen deuter San.
Pauels/vnd gesagt/ er gepiete die werck/ ist
auch

auch vbel zu frieden gewest/das S. Pauer solt
Abraham frum machen ane werck/vnd hie be-
kennet er offentlich widder sich selbs/S. Pauer
gehe dar mit vmb vnd dringe darauff/Es wer-
den alle menschen seligt aus lauttern gnaden/
ane vordinst der werck/setzet widder S. Pauer/
das S. Pauer dort auff dringe/er hierauff/Na-
her es gehet zu/wie er droben gesagt hat/yhr
breutgam geet aus der schlaffkammer / vnd ist
wol bezecht/vnd hat es alles verschlaffen / ya
freylich verschlaffen / er wird ynn dissen sachen
die Gott angehen/nymmer mehr auffwachen/
die yhm auch folgen/ werden dissen weg nym-
mermer treffen.

Ich concordiere mit Paulo / vnd
nicht mit vnsern schriffgelerten/die
es stuckweysicher weyse/aus yhm ge-
stelen haben wie die thiere des baucha
es philipp. iij/ das ist/ die vordamp-
ten leyden nicht die wirckung Gottes.

Wie merck auff wie der teuffel schneubet

Sarumb tichten sie Christum zu
eynem erfuller des gesezes/auff das
C iij sie

sie durch angebung seynes Creuzes /
das werck Gottes nicht durffen ley-
den / Darumb ist die selbige faule /
wormfressige Theologey / den alten
phantasten allenthalben zuerglei-
chen mit dem meyster ynn der dorn-
heck

Wie phantisiert der Sathan / wie gutte sa-
tanische possen reyst er / Christus hat das ge-
setze nicht erfüllet / sunder / wyr / wyr mussens er-
fullen aus vns selber / als solt er sagen / Bibel /
bubel / babel / Christus / Chrestus / Chrima /
Christus ist nie auff erden kummen / es ist eyt-
tell erlogen / erticht ding mit Christo / es ist eyn
lautter angebung seynes creuzes / ey es ist ni-
chts darhinter. Vmb Gottes willen was wun-
deren wyr vns ab disser Sathan / solch mord
vnd vnglueck ynn der welt stifft / so er das vn-
verschampt darff reden / Syntemal S. Paul /
den ich nun allererst erkenne / warumb yhn
Gott vom hymel herab eyn auserweltes was /
nehmlich dem reuffel zutrotz / geheysen hatt / so
Klerlich spricht Rhoma. iij. Tu aber ist anezus
thun des gesezes / die gerechtikeyt / die vor Gott
gilt offenbart / bezeugt durch das geseze vnd
die propheten / Ich sage aber von solcher gere-
chtikeyt für Gott / die do kompt durch den glau-
ben an Ihesum Christ / zu allen vnd auff alles
die do

*Christus
Satanus
versteht
falsch*

die do glauben / Gal. ij. Doch weyl wir wissen
das der mensch durch die werck des gesetzes ni
cht rechtfertig wird / sondern durch den glau
ben an Ihesum Christ / so haben wir auch an
Ihesum Christ geglaubet / auff das wir gerecht
fertiger werden / durch den glauben an Ihesu
Christ / vnd nicht durch die werck des gesetzes /
Den so durchs gesetz gerechtfertigt kompt / so ist
Christus vergeblich gestorben / Gala. iij. Chri
stus aber hat vns erloset von der vermaledey
ung des gesetzes / do er ward eyn vermaledey
ung fur vns etc.

Die gerechtigkeyt Gottes mus vn
sern vnglaubē so lange erwurgē / bys
das wir erkennen das aller lust sünde
ist / vñ wie wir durch die luste zuuerte
ydingen also hoch vertocktet werden /
do mus der mensche emsig seyn / das
yhm die heymlichē luste / diemechtig /
hinderlistig seyn / zuuerstehen gegeben
werdē / Wen der mensche do keyn entse
gē hat / lest er sich die luste regierē / Be
begen thut yhm genug / dan ist yhm
widder zuratten nach zuhelffen / Das
hat Paulus gantz sicherlich verkun
digt 2. thimo iij. Er saget / es wer
den die leutte wollustig seyn / liebhas
ber



ber der luste/ vnd werden sagen/ man
konne das werck Gottes nicht erley-
den/ nicht verstehen/ das ist/ sie wer-
den verleugnen die studierung die be-
trachtung des gesetzes/ das das werck
Gottes erkant wird / So habt yhr
kurze auslegung vber den 18. psalm
sendet myr abschriff adder copey des
selben/ Anno 1524 die lune post tri-
mam dominicam trinitatis.

Wie trozig redt der teuffel widder Gott/
vnd ist sunst also verzagt/ wenn er soll leyden/
Des heyligen geysts rechtschaffene Kinder/ seyn
mutig ym leyden vnd sterben fur der welt/ fur-
chtam vnd erschrocken fur Gott/ Psalm. cxliij.
HERR gehe mit deynem diener nicht yns
gerichte / Widderumb des teuffels gelydmasse
laden auff sich Gottes gerichte vnd gerechtig-
kayt/ denn sie seyn schon bereyd drynnen/ vnd
Gottes gericht ist allbereyd vber sie gangen/
wenn er sie wannsinnig vnd blind macht/ vnd
wenn sie yrgend sollen stehen fur der gewald/
do es yhn das leben kost/ so verbleyhen vñ ver-
stummen sie/ wie allen dissen geschehen ist/ vnd
ich von .D. C. Th. M. D. S. vnd yhren ge-
nossen gesehen habe. Gottes Kinder trozen auff
Gott/ denn sie haben eynen Gott/ der vber yhn
helte



helte. Diffe geyster sagen/wenn sie ghen hymel
speyen / sie haben keynen Gott/vnd wo er ni
cht will zu yhn kommen vnd mit yhn reden/
so wollen sie yhn verleucknen / das beweysen
sie auch groblich/ das sie yhn verleucknet habē/
vnd haben keynen Gott/ wenn es zum treffen
kompt/denn er helt nicht ober yhn/ sonder lest
sie sincken vnd verzagen .

Er kompt hie widder ynn die langweyle/
darynne der mensche muss ernstig vnd gemue
het seyn/ gleych als sey es als an yhm gelegen/
vnd sagt nicht eyn mal / wu man solle ym
schrecken des tods (Ja sie konnen es auch ni
cht) ynn far der sunden/ynn beschwerung der
gewissen /bladen mit sunden/hulffe suchen vnd
finden/ vnd machen vbel erger .

Aber S. Paul/ mit dem hie disser geyst cō
cordiert ebē wie der kreps fursich gehet/ sagt/
Der geyst der kindschafft/der yñ vns hatt ange
fangē zu wirkē/seuffzet vñ bitt fur vns/et au
xiliatur infirmitatibus nostris/hilfft vns die
burden tragen/auff das wyr bestehen mugen
ynn der anfechtung . Rhoma. viij .

Den spruch Pauli zu Timotheo furet er al
so/ das alle die wollustige schweyn seyn/vnd
liebhaber der luste/die Christum also predigen
vnd glauben/ das er habe dem tode die stachel
genommen etc. wie S. Paul lernet aus Osea
ij. Corin. xv. Auff das er ia das leipliche luste
mache/ welche sollen ynn Christo geyslich seyn
wie

wie seyn art ist / Er hatt lust dran/sagt Hi
ob / das er etwas verderben muege.

Der xviij psalm.

Eyn psalm Davids hoch zu singen

I Die hymel erzelen die ehre Got
tes / vnd die feste verkundet seyner
hende werck.

II Eyn tag sagts dem andern / vñ
eyne nacht thuts der andern kund.

III Es ist keyne sprach nach rede /
da man nicht yhre stymme höre

IIII Ihr richtschnur ist aus ganz
gen ynn alle land / vñ yhr rede an der
welt ende . Er hat der Sonnen eyne
hutzen ynn den selben gemacht.

IIIIII Vnd dieselb gehet her aus /
wie eyn breutgam aus seyner kamer /
vnd

vnd ist frö wie eyn held zu lauffen den
weg.

VI Sie gehet auff an eym ende
des hymels / vnd leufft vmb bis widr
der an das selb ende vnd bleybt nis
chtes fur yhrer hize verborgen.

VII Das geseze des **HERRN**
ist on wandel / vnd erquickt die seele /
das zeugnis des **HERRN** ist ges
wis / vnd macht weyse die albern.

VIII Die rechte des **HERRN**
sind richtig vñ erfrawten das herze /
Die gepott des **HERRN** sind laut
ter / vnd erleuchten die augen.

VIII Die furcht des **HERRN**
ist reyn vnd bleybt ewigklich Die sits
ten des **HERRN** sind rechtschaffen
allesampt gerecht.

X Sie sind kostlicher denn gold
vnd viel feyns golds / Sie sind susser
den honig vnd honig seym.

XI Auch ist deyn knecht fursis
chtig durch sie worden Denn er hats
grossen

grossen gewin wer sie helte.

XII Wer merckt auff die feyde
le: mache mich reyn von den heym
lichen.

XIII Auch behalt deynen knecht
fur den stolzen / das sie nicht vber
mich hirschen / so werde ich on wans
del seyn / vnd vnschuldig bleyben fur
grosser missethat.

XIIII Las dyr wolgefallen die
rede meyns mundes vnd das gesprech
meyns hertzen fur dyr.

XV In ERK meyn hort vnd
erlöser.

Differ psalm ist der psalm eyner darynne
Gott das Euangelion von seynem son durch
seyne propheten ynn der heyligen schrift ver
sprochen hat zu geben / wie S. Paniel anzeiget
Rho. i. Darnach legt S. Paniel Rho. r. disen
psalm auff die weyse aus / das er eygentlich be
schreybe / wie durch die Apostell / die er hie heyst
hymel vnd festen / das Euangelion solle vnd ist
ynn alle welt gepredigt worden / denn er sprit
cht / der hymel richtschnur ist ausgegangen ynn al
le

le welt? Auch was Euangelion sey vnd wozu
es diene.

Zum ersten mercke/ wie der heylige geyst
auszubreyten vnd zuuormeren Gottes lob vnd
namen/ also ertig braucht seyner creaturen/ den
wie er sonst pflegt zu seynen ehren der schlangē
Flugheyt/ des lewen stercke/ der tauben eynfalt/
des senfftorns/ bienen/ vnd emsen vnd anderer
thierer eygenschafft vnd natur zugebrauchen/
also vergleicht er alhie auch die prediger des E
uangelions den hymeln vnd festen des hymels
vnd wie wol die geystliche deuttung/ das man
nennet Allegoriam nicht soll stadt haben/ So
zwinget hie doch der text mit gewalt/ das man
muss etwas anders durch die hymel verstehen/
den die hymel/ die wyrt fur augen sehen.

I Die hymel erzelen die ehre Gots
tes vnd die feste verkundet seyner
hende werck.

Die prediger heysen darumb hymel/ das
gleich wie die hymel Gottes sitz vnd stuel seyn/
Esa. lxxvi. Also wonet Gott vnd ruhet yn den
die seyn wort verkundigen vnd seyner hende
werck/ Festen aber darumb/ das gleich wie das
firmament vnd feste des hymels schwebt vnd
helt zwischen den wassern die vber vnd vnder
den hymeln seyn/ Ge. i. Also werden widder
die/ die Gottes ehre bekennen/ die pforten der
hellen nichts vermugen / Matt. xvi. psal. ix c.
Heraus

Hiraus volget das die selbigē Apostel fur
Gott hymel vnd festen seyn werden / fur der
welt aber hellen vnd schwacheyt / wie S. Paul
sagt .ij. Corin. vi. Wyr seyn wie die durfftigen
vnd machen doch vill leutte reiche / wie die do
sterben / vnd leben doch etc.

Disse hymel vnde feste verkundigen zwey
ding / Gottes erhe vnd seyner hende werck.
Das wortleyn verkundigen vñ ertzelen / macht
disse hymel zu predigern. Gottes erhe ist / wenn
eyn ydern seyn schande vñ sunde durchs Euan
gelion eroffnet wird / welche sunde vnde schan
de Gott wenden will zu seyner ehre / das ist / er
will sie vergeben vnd nymmer gedencken / wu
man yhm vertraue / vnd seyner wort odder
Euangelio gleubet / Denn was kan man erhl
chers von Gott sagen / denn / er konne vnd wol
le auch alleyne helffen ynn allen notten / ynn
tod / ynn leyden vnd sterben / Psalm .lxvij. Der
Gott ist vns eyn Gott des heyls / vnd eyn **H**
R dem tod zuentlauffen / Vnd Psalmo .ij.
Bey dem **H****R****R** stehet die hulffe.

Seyner hende werck seyn die / wunder die
er geystlich vber vnd wircket / nemlich das er
disses wercks will gerumet seyn / das er konne
vnd wolle vber seyner heyligen halten / denne
am aller meysten / wenn sie zwischen den was
fern stehen / das ist ynn der hohsten nott / Die
kunst kan vnd braucht er alleyne / das er gen
helle fure / vnd widder herauff / todtet vnd ma
chtet

cht lebend/ Eyn solche feste ist David/ die do
verkündiget dise werck seyner hende / psalm.
iiij. Erkennet doch/ das der **HERR** seyne
heyligen wunderlich füret/der **HERR** wirds
horen/wenn ich yhn anruffe.

II Eyn tag sagts dem andern /
vnd eyne nacht thuts kund der
andern .

Nach des hymmels bewegung vnd lauff/
endert sich tag vnd nacht/darumb ist also viel
gesagt/Eyn tag sagts dem andern/vnd eyn na
cht der andern/also/ disse erzehlung der ehr Got
tes vnd seyner hende werck/wirt ewig weren/
vnd nymmer auffhoren/das/gleich wie eyn tag
dem andern volget/also wird vnd sol die erhe
Gottes an vnderlas nachdrucken/ nicht ablas
sen nach auffhoren/sonder geprediget werden/
von nu an bis ans ende der welt / Gott wird
stets etliche funcklin lassen seynes worts ym
der welt.

III Es ist keyne sprach nach re
de/da man nicht yhre stymme
hore.

Wie hebt der prophet an weytter zuverfles
D ren

ren/wer disse hymel vnd feste seyn/vnd wie dis
verkundigen gehe vom tage zum tage/von ey
ner nacht zur andern/das ist/ an vnderlas an
alle die ort/wu menschen seyn/die sich tag vnd
nachts gebrauchen/vnd sagt/die erhe Gottes
vnd seyner hend werck sey erschollen vn erschel
len teglich an alle ende/da man sprach vn rede
habe/das ist/da vernunfftigen menschen seyn/
die reden konnen.

Nu ist disser vers auff alle zeyt gericht/ dess
er spricht nicht/man werde ythe stymme horen
sdder man habe yhre stymme gehoret/sonder
man hore sie stets an vnderlas / vnd an allen
enden/Got kent die seynen/die welt kent sie ni
cht/ia sie verfolget sie/Psalm. 139. Ich will dyr
die Heyden zum erbe geben/vnd der welt ende
zum eygenthum. Christus ward also verheyschẽ
Abraham/dasynn seynen samen solten gebened
deyet werden alle geschlechte der erden/ Gene.
xv. Darumb must auch die predig von seym re
ich aus gehen ynn alle geschlechte der erden/wie
dissel Psalm singet.

IIII Ihr richtschnur ist ausgegangen
ynn alle land vnd yhr rede an
der welt ende.

Wie hupsche wortt braucht der prophett auß
zulegen

zulegen die herlickeytt des Euangelij/ Verkun-
digen/ erzelen/ reden / abmessen/ teylen gibt er
den hymeln/ horen aber vn̄ sagen verkundigen/
erzelen/ reden lassen gibt er allen reden/ allen
sprachen/ allen landen/ vnd aller welt enden/
das ist allen heyden/ Den̄ ynn den zweyen stuf-
cken/ reden vnd horen bestehet das reych Chris-
ti. Luce. ij. Das ist meyn geliebter son Ynn
dem ich eyn wolgefallen habe/ den solt yhr ho-
ren. Christo vnd seynen Aposteln/ ist auffgelegt
Gottes ehre vnd seynen hende werck zuerkun-
digen/ vns aber vnd allen heyden ist auffge-
legt das zuhoren /

Das er sagt richtschnur/ vnterscheydet er
die gleubigen von den gottlosen / funiculus/
richtschnur auff Ebreisch heyst / teylung/ Also
das wiewol das Euangelion ynn alle land
vnd an der welt ende erschalle / dennoch nur
die troste / die zum erbtteyll beruffen seyn
Deut. xxxij. Jacob ist der strick adder die ri-
chtschnur des erbtteyls des I E R R N.

V Er hatt der Sonnen eyne huts-
ten ynn den selben gemacht .

Des hymels vnd der festen groste zier vnd
schmuck ist die sonne/ die die ganze welt mit
yhrer scheyn erleuchtet vnd frolich macht/ also

D

ij

DAS

das des hymels gestalt vnd alles was auff erden ist/ sich fast betrubt/ wen durch regen vnd vngewitter der scheyn der sonnen verhindert wird/ So ist auch eyn ytzlicher mensch frolicher wenn der hymel hubsch ist/ denn wenn er tunckel ist.

Auff die weyse predigt nu Christum das Euangelion durch der Apostel vnd aller prediger mund/ das er ynn vnsern hertzen leuchte/ Johan. i. vnd vns frolich mache/ Syntemal er also helle scheynt vnd leucht/ das vns durch yhn fried ist widder faren / mit Gott vnd allen creaturen / engeln vnd teuffeln/ Ephe. i. Colosi .i. Wyr werden auch durch disse erkent/ niss vnd disse Klarheyt holdt allem dem wyr vormals feynd gewesen seyn/ Was wyr forhyr fur feynde gehalten haben/ werden nach dieser Klarheyt die besten freunde / Das gesetz Gottes / wilchs vns fur dem auffgange dieser Sonnen zur helle furte / ynn dem das es vbel erger machte / ist nu eytel gold vnd silber/ eytel honig vnd suse/ wie wyr hernach horen werden/ vnd das alles darumb/ die weyl Ihesus Christus ynn den hymeln wonet. ij. Pet. i. Ihr thut wol/ das yhr darauff achtet / als auff eyn liecht / das da scheynet ynn eynem dunckeln ort vnd der morgenstern auffgehe ynn ewern hertzen/ Luce. i. Durch die hertzliche barmhertzigkeit

Keyt vnsers Gottes/durch welche vns besucht
hat der auffgang aus der hohe.

V Und die selb gehet heraus wie
eyn breutgam aus seyner Kam
er/vnd ist fro wie eyn held zulauffen
seynen weg.

Die hymel vnd feste/auch die Sonne wel
che ynn den hymeln wonet vnd die hymel zie
ret/hat der prophete bis her ausgericht. Vg
und beschreybet er/was diese sonne wircket vnd
wurtzu sie diene.

Die sonne gehet heraus wie eyn breutgam
aus seyner Kamer/das ist/der ausgang ist also
freudenreich/das er alle/die der sonnen gewar
werden/frolich mache/Denn hochzeyt machen/
vnd eyn tisch bereyten heyst ynn der schrift
freud anrichten/Psalm. xxiij. Du bereytest fur
myr eyn tisch gegen meyne feynde / du machst
meyn heupt fett mit ole / vnd schenckest myr
vill eyn/Breutgam seyn / heyst voll freuden
seyn/vñ andere frölich machen/Des breutgams
stymme horen/heyst etfullet werden mit freu
den vnd friede/Johan. iij. Also ist Christus/
eyn frolicher freudenreicher breutgam/der freu
de austeylet vnd gibt/lest sich darumb sehen/
vnd thut sich herfur/das er yderman mit freu
de vnd friede vberschutte. Das seyn die hymeli
schē benedeyung/damit vns Gott gebenedeyet
hat/Ephe. i. D iij vnd

Vnd ist frö/wie eyn helt zulauffen
seynen weg.

Differ frolicher ausgang der sonnen gleych
als eyns breutigams aus der schlaffkammer/ ist
alleyn frolich denen/die von der welt veracht
vnd vnderdrückt werde v/ den wird auch differ
trost gegeben/der breutigam sey fro wie eyn tet
tiger muttiger helt adder riese/seynen weg zu
lauffen/der sich nichts hyndern lest/sondern ist
willig vnd bereyt seinen lauff zuuolstrecken/
dem auch niemandt vmb seynen stercke willen/
widderstehen muge / Desses muttigen heldes
reym/den er offentlich furet /schrebyt der .cr.
Psalm. Dominare in medio inimicorum tuo
rum/ Der HERR wird die rute deynen ster
cke senden aus Zion/hersche vnter deynen feyn
den .i. Ream .ij. Ich will eyn ding anrichten
ynn Israel/das/wer es horet/dem sollen beyde
oren flingen/ Esaie .xl. In fortitudine ventet
Das Euangelion wird nachdrucken vnd sich
nicht seumen. Esaie. lv. Meyn wort wird nis
cht ane frucht widder zu myr komen/ von dem
ort / da ichs hyn gesand habe.

VI Sie gehet auff an eynem ende
des hymels / vnd laufft vmb bis
widder an das selb ende / vnd ble
ybt nichts fur yrher hize vreborgen.

Wie bescheyden kan der heylig geyst von
seynen eygen wercken reden/Die hymel verkun
digen

Diegen die ehre Gottes/ vnd die feste erzeleu sey
ner hende werck/ vnd das verkundigen vnd er
zeleu gehet ynn aller welt vnde mechtiglich vñ
mit freuden/ vnd doch also das disse hymmel
zier vñ schmuck die sonne sey die yñ den hymeln
auffgehe/ vnd lauffe von eynē ende zu dem and
ern ende/ vnd kere widder ynn das selbe en
de/ das gleych wie die hymel verkundigen/ also
auch an vnderlas vnd ewig/ disse sonne auffge
he vnd lauffe ynn den hymeln/ welche der son
nen halben hubsch vnd frolich seyn/ sunst werē
sie feyndseligk vnd vnlustig anzusehen.

Der sonnen art vnd natur ist werme/hitze vñ
licht zugeben/ Des Euangelion art vnd natur
ist/ das hertz zu erleuchten vñ anzustecken Lu
ci. Er wird euch teuffen mit feur vnd mit dē
heyligen geyste.

Differ vers zeuget starck/ das der heylige
geyst sey ynn die ganze welt ausgegossen durch
die predige des Euangelij/ Die erhe Gottes vñ
seyner hende werck/ verkundigen die hymel/
Apostel vnd prediger/ Ynn den hymeln wo
net die sonne/ Christus Ihesus/ welchs namen
musste nach der aufferstehung geprediget wer
den / zur busse vnd zur vergebung der sunden
Luce am letzten/ Die hitze der sonnen aber ist
der heylige geyst/ den der ist sampt dem Euan
gelio gegeben/ ynn gestalt gespaltener zungen
Also gehet die sonne vnd leufft ynn den hy
meln/ schmuck vñ zieret sie/ macht sie voll fried

D

iiij

vnd

vnd freuden/ yhn ist alles lieplich nichts ersch
recklich/wie volgen wird/ von wegen der hitze
die von der sonnen geher /das ist / von wegen
der krafft / die durch das Euangelion von
Christo der heylige geyst wirckt ynn aller men
schen hertze Psalm. cxlvij. Er sendet seyn wort
vnd zuschmelzt sie/er lest seynen wind komen/
so fliessen wasser.

VII Das gesez des **HERRN** ist
one wandel /vnd erquicket die seele/
Das zeugnis des **HERRN** ist ges
wis / vnd macht weyse die albern.

Wie erzelet er die fruchte/ die do volgen/
wenn Gottes ehr erkand/ das hertze erleucht/
erfreut vnd angesteckt wird durch den heyligē
geyst/ Denn als dan erfert das hertz/wie trew
lich es Gott gemeynet hat/auff das wyr ursach
heten von yhm zugewarten / seyntemal wyr
durch vns selbs nicht erlangen mochten/ hulff
vnd beystand ynn allem vnsern anligen/ vnd
singt den vers des .xxxi. Psalms/ Wie gross
ist deyn gut/das du verborgen hast denen die
dich fürchten/ vnd hast verschafft für den men
schen kindern/deren die auff dich trawen.

Was man Gott singet adder sagt/ ist alles
sichetlich vnd verderblich /wu disse sonne dur
ch yhre

Ich yhre hitze vnser hertze nicht erleucht vnd an-
gund/das wyr die reiche barmhertzigkeyt Got-
tes sehen vñ erkennen mugen/ Denn wu die er-
kand wird /da ist eytel selikeyt/vnd nichts lieb-
lichers denn verstehen vnd erkennen Gottes wi-
llen ynn seynem gesetz vnd wortt/ das er zum
zeugniss seynes liebe/seyne rechte/sitten/ gebott
zulernen gegeben hat/Vñ hie wird denn erfül-
let Gottes willen Rho. xij. Die erfollung des
gesetz Gottes ist die liebe/ das wyr vns lassen
alle werck vnd wortt Gottes wolgefallen zu
dienst vnserm nehsten Psal. i. Dem ist wol der
seyne lust hat am gesetz des **HEXRRI**/vnd re-
det von seynem gesetz tag vnd nacht.

Gewonen müssen wyr der sprach/die do sa-
gt/das gesetz ist on wandel/ das zeugnis des
HEXRRI ist gewis etc. das wyr sagten / das
gesetz wird denn aller erst erkant/ das es reyn
on wandel/ gewis/susse vnd lieblich sey/wenn
vns Gott ynn vnser hertz seyn gnad vnd gut-
ten willen scheynen vnd leuchten lest/sonst wir-
ckt es sund/vñ macht vbel erger/ Gal. iij. Das
gesetz ist geben vmb der vbertretung willen/
Rhoma. ii. Das gesetz wirckt zorn.

Er braucht aber hietzu anserlesene wortt/
alse one wandel/ das ist/vntadlich/ vnstrefflich/
ch/reyn/ lautter/ gesund vnd rechtschaffen/Da-
rumb erquickt es die seele. **GEWIS**. Das
D v ist

III / es feylt nicht / es trengt nicht / es verfuert nicht / wer sich dran helt / den lest es nicht wandcken / es erhelt yhn . **MACT** Weyse die albern / Das ist / den heyligen vnd den weysen ist es eyn schand vnd torheyt / Den albern aber / weysheyt vnd selikeyt **Rhoma . i.** Das ist denen / die das schlecht wortt / von schlechten leuten geprediget / glauben vnd volgen / wie die Juden sagten zu den / die sie hatten aussgesand Christum zu fahen / **Johan . viij.** Welcher vnter den fursten vnd schriftgeleerten / hat ahn yhn gegleubt ?

VIII Die rechte des **HERREN** sind richtig / vnd erfrewen das hertze / die gebott des **HERREN** sind lautter vnd erleuchten die augen .

Richtig heyst das wol gebent ist also das nichts hindert / Auff die weyse sind die rechte des **HERREN** richtig / das sie yderman auff der ban behalten / vnd lassen niemands gleytten / adder ynn abweg von der ban kommen / Daher auch kommet eyn richtig hertz zu Gott / das auß erhalb Gottes vnd seyns worts nichts achter noch hoch helt / **Psalm . lxxviii.** strafft Gott die Juden das sie nicht eyn richtig hertz zu yhm hattē

hatten. Aber yhr hertz was nicht recht adder
richtig bey yhm / vnd waren nicht rechtschaffen
ynn seynem bund / Item / wilchs seyn hertz nicht
richtet / vnd des geyst nicht rechtschaffen war
an Gott .

Die gebott des **h ERXVI** sind lautter /
das ist / auserlesen für gut / vnd erleuchten die
augen / das ist / sie machen vnd geben rechten
vnderscheyd der ding / die Gott gefallen ad
der misfallen / das San. Paulus zun Ephesern
nennet Phronisin / prudentiam / cautionem / das
man des wercks der hymelischen gnaden vnd
benedeyung / des glaubens vnd heyligen geysts
ynn gutte acht neme / wie der volgend vers
weyter wird auslegen / Desi dis licht macht / das
man sich lerne für Gotte fürchten / vnd handele
ynn Gotts geschefften mit fürcht vnd zyttern .

IX Die fürcht des **h ERXVI**
ist reyn vnd bleybt ewigklich Die
sitten des **h ERXVI** sind re
chtschaffen allesampt gerecht .

Die fürcht des **h ERXVI** heyst darumb
reyne / das sie wechset vnd entspinget aus der lie
be / das / wenn wyr yemand von hertzen holdt
seyn / ymerdar besorgen vnd fürchten / wyr mo
chten etwas thun / das yhm zu widder were .
Also wenn man friede vnd freude vnd Gott
durchs Euangelion empfangen hat / hat man
stets sorge / man thu zuwenig / wie es denn war
ist /

ist/fur solche wolthat / seyn als' yt sorgfelig /
das wyr yhn nicht erzurnen .

Die Gottlosen müssen auch Gott furchten/
auch der teuffel selbs/ aber yhre forcht ist nicht
reyne /sonder besleckt/Denn sie seyn Gott von
hertzen feynd/ Die heiligen aber/ lieben Gott
zugleiche vnd furchten yhn auch/als den den
sie ehren .

Vnd hie sihestu/wie die propheten/ davon
wyr furhin gesagt haben / nichts vber alle wis
sen was gesetz adder Gotes forcht sey /die weyl
sie disse furcht den tieffsten vnglauben verglei
chen etc. vnd heben den grund der selikeyt hie
an/so du doch fur augen sihest/ das disse furcht
hernaher volge/ wenn Gott recht erkandt ist/
vnd nicht eher.

X Die sitten des **HERRN**
sind rechtschaffen alle sampt ge
recht .

Die furcht des **HERRN** wechset hyraus/
das mā nicht kan leugē/alle werck/die Got ye
geubt hat vnd noch vbet/ das er den fallen le
st/vnd yennen auffhebt/ seyn alle gerecht/ vnd
nyemand kan sie taddeln adder straffen/ Recht
geschicht dem / den er sincken leest/ denn er ist
yhm nichts schuldig/ denn das er yhn vmb sey
ner sunde willen verdamme / Recht geschicht
dem / den er auffhebt/denn er leest yhm seyne
gnade widderfaren aus barmhertikeyt / **Es**
steht bey yhm zuseligen vnd zuverdammnen/ vñ
alles

alles beydes also/das er seyn gut recht vnd fug
hat zu vben welchs er wil /wer nu das erken
net/wie denn seyne sitten vnd gesetz leren/ der
volstreckt seynen beruff mit furcht vnd zittern
Philip. ij.

X Sie sind kostlicher den gold
vnd viel feyns goldes/sie sind sus
ser den honig vnd honig seym.

Der prophet will also sagen/Wer Gottes
werck ym Euangelio durch Christus freuntli
keyt erkennet/dem ist das gesetz/zeugniss/rechte
vnd sitten Gottes lieber denn silber vnd goldt
das ist / er acht alle ding/ die gros/hoch/suss/
vnd lieplich seyn vor der welt fur nichts/gegen
dissem schatze / Er kan auch vmb dissers liechts
willen verlassen weyb/ kind/ haus vnd hoff/
vnd alles was die welt liebet vnd gross acht/
wie es Christus vergleicht ym Euangelio eym
schatz/der ym acker verborgen leytt.

XI Auch ist deyn knecht fürsichtig
durch sie worden/ Denn er hat gros
lohn wer sie helt.

Wie setzt sich der prophet zum exempel/da
mit er durch seyn eygen person dar gebe/ wie es
vmb die sitten Gotts gethan sey / Ich halde /
sagt er/deyne sitten kostlicher denn goldt vnd
feyn gold / denn ich hab weysheit vnd fürsich
tikeyt an deynen sittengeleret/also das ich ge
wis

Wls bin/es werde dem reichlich vergolten/ wer
sie helt / Ja **HERR** du wilt selbs das lohn
vnd vergeltung seyn des/der sie helt. Also sagt
Gott zu Abraham / Ich will deyn reiche be-
lonung seyn/ Gene. xv. Wer nu die sitten Got-
tes helt/der verleurt die welt/leyb vnd leben/
vberkomet aber Gott vnd das ewige leben.

XII Wer merckt auff die feyle? **Ma-
ch mich reyn von den heymlichen.**

In dyßem vers druckt er mit hellen / Flaß-
ren Worten aus/die fürsichtigkeit vnd vergel-
tung die der vberkomet/der die sitten helt/
nehmlich vergebung der sunden/welchs die su-
mma ist des ganzen Euangelijs Luce. i. vnder
kennnis der selikeyt gebest seynem volck/die do
ist ynn vergebung yrher sunden/ Viel sunden
haben wyr auff vns die wyr nicht erkennen/
aber des bin ich ynn deynen sitten bericht/du
weldest heymliche vnd offentliche sünde ver-
zeygen vnd vergeben / An welcher belo-
nung ich eyn solchen gefallen habe/das sie myr
lieber ist denn alles was gros ist auff erden.

XIII Auch behalt deynen knecht
fur den stolzen/das sie nicht vber
mich hirschen/ so werd ich on wanz-
del seyn/vnschuldig bleyben fur gros-
ser missethat.

Behalt deynen knecht/schutz/bewar/hand-
habet

habe yhn das yhm die stolzen nicht schaden
Eyn hoher kampff ist es ynn dem stucke widder
die welt fehren / vnd sich mit dem das die welt
grosacht nicht besuddeln / Darumb ist es wol
not das wyr mit furcht Gott bitten / er welle
vns hie erhalten / auff das wyr yhr nicht folg
gen / Welchs so Gott thutt / wyr sicher seyn fur
allem vngluck.

Grosse missethat nennt der prophet / die
heymlichen ym andern vers / Denn er heyst das
gros das die welt kleyne heyst / nemlich / den greu
el des vnglaubens da die heuchler sicher fur
vber gehen / vnd meynen sie seyn frum vnd heyl
lig / wen sie nicht steelen / morden / ehbrechen /
sichten dieweyl nicht den balcken yhes hertzen /
den Christus alleyn sunde heyst Joh' xvi . wan
der heylig geyst kompt so wird er die welt stras
ffen vmb der sunde willen / das sie nicht ge
gleubt haben ynn mich / Summa. es ist keyn
gutt werck den glaube Es ist auch keyne sunde
Denn vnglaube.

XIIII Las dyr wolgefallen die rede
meynes mundes / vnd das gesprech
meynes hertzen fur dyr .

Die erste frucht des Euangelijs vnd gesetzes
Gottes

Gottes ist das wir eyn solch erkentnis Gottes
vberkomen die mit silber vnd gold wedder bes
galt nach erkauft mag werden/das selbige er
kentnis gibbt fürsichtikeyt. Also das wir erstlich
wissen Gott wolle Keyne sünde/sie sey heymlich
adder offentlich fur sünde rechen/dar zu gibt sie
vnderscheyd der rechtschaffen vnd falschen leer
fur welcher sie behutt die yhr folgen/

Die ander frucht aber ist/das wir hiedurch
mottig werden Gott eynen vatter zu nennen/
fur zu treten vnd fur seynem angesicht beten/
mit der zuuersicht/er welle vns horen/vnd las
yhm vnser ding wolgefallen/Also bitt nu Da
uid/ Las dyr wolgefallē die rede meynes mun
des/vnd das gespreche meynes hertzen fur dyr.

Sihe zu / Gottes Kinder betten mit dem
hertzen vnd mit dem munde / Die Gottlosen
betten mit dem munde ane hertze/ wie Esaias
sagt.

XV **HERR** meyn hort vnd erlös
ser.

Mit disen worten beschleust der prophet
den psalm von der reichen gnaden des Euang
gelij vnd seyner frucht / zeygt mit wenig wor
ten an/was man von Gotte halben solle/vnd
wafur

was er von den seynen gehalten seyn will /
nemlich das er yhr fels vnd schutz sey ynn allen
anstoßen / auch der sie erlösen wolle
vnd könne / wenn es sich bege
be / das sie verfuert vnd
verleytet wur
den .

Folget eyn lateynische
Epistel Thomas Mungers an
Philippon Melancton.

Christiano homini Philip
po Melanctoni sanctarum scriptu
rarum professori / Thomas Munzer
nuncius Christi .

Salve organum Christi / Theologiã
vestram toto corde amplector / nam
de funibus venantium animas elec
torum eripuit multas . Quod vos
res presbiteri vestri ducunt / com
mendo / ne larua Rhomana vos am
plus constringat / sed in hoc repro
bo /

tius Seum loqui quam vos paratos
ad percipiendum / Sumus pleni desira
derijs / hoc impedit digitum viuentis
ne scindere possit tabulas suas / Sua
sionibus vestris trahitis ad coniu
gia homines / Cum iam non sit tho
rus immaculatus / sed sathane lupas
nar / quod tam vehementer Ecclesia
am nocet / quam maledictissimi vna
guenti sacerdotium . Nonne passio
nes illorum desideriorum impediunt
sanctificationem vestram ? Quomo
do potest spiritus effundi super car
nem vestram / et eloquia viua habere
cum Deo potestis cum negaueritis ta
lia ? Nullum preceptum (ut sic dicā)
angustius stringit Christianum / quā
sanctificatio nostra / Nam illa pri
mum ex voluntate Sei animam euac
uat / dum delectationes anima infe
riores / nequaquā in falsum possessor
rem sumere possit : Utimur vxoribus
tanquam non habentes . Sebitum red
dite non ut gentes / sed sicut scientes

℞

ij

Seum

Deum vobis loqui / iubere / monere /
ut firmiter sciatis / quando tribuendū
sit pro prole electa / Ut timor Dei et
spiritus sapientie impediāt bruti con-
cupiscentiam / ne absorbeamini . Phi-
ala tertij angeli (timeo et scio) effusa
iam est in fontes aquarum / et tota
scaturigo sanguinis effecta est /
Immo lectio eorum in carnem et san-
guinem versa est . Electi sunt quidā /
sed ratio eorum aperire non potest ob-
causas iam relatas . Hinc habent
opera cum reprobis communia / exce-
pto Dei timore / qui eos separat ab il-
lis . Suo in vno lecto iacent / vnum
opus delectationis perpetrāt / Talia
enim opera in vobis reperio / dum cō-
tentiones inter vos sint de abrogan-
da missa . Papistici sacrificij abomi-
nationem / quod quidam detestati
sunt / extollo et commendo / ex ipiritu
sancto effecerunt / Sed in hoc erroris
bus inuoluti sunt / quod Apostolicum
ritum ad amissim non sunt imitati /
Etiam

Nam qui inssione dominica semen
proijciunt / metere debent / examinare
debent auditores predicantes / dum
verbum finierint / et qui fructum in-
telligentie sue reddiderint / manifesta-
di sunt hominibus / et tribuendus pa-
nis et potus / quod huj verum possessi-
forem habeant / quibus intellectus te-
stimoniorum Dei largitus sit / non
mortuarum ex chartis sed viuarum
promissionum. Martinus noster cha-
rissimus ignoranter agit / quod paru-
ulos non velit offendere / qui iam
paruuli sunt sicut pueri centum anno-
rum maledicti / immo angustia Chri-
stianorum est iam in foribus / Cur
esse expectandum censetis / ignoro /
Lieben bruder last ewer merhen es ist
zeyt / Nolite tardare / estas est in ias-
nua / nolite vobis conciliare repro-
bos / ipsi impediunt ne virtute mag-
na operetur verbum . Nolite adula-
ri principibus vestris / videbitis alios
qui subuersionem vestram / quam as-

L ij uertat

mereat benedictus Deus: Si negaveritis purgatorium Christianum / ostendistis vos ignorantes in scripturis et studiis spiritus / sed quod Papisticum respicitis phantasma / commendo. Nullus potest ingredi requiem / nisi adasperiantur septem gradus rationis septem spiritibus. Abominabilis est error de purgatorio negando / Caveate. Si volueritis / omnia mea scripturis / ordine / experientia / aperta que verbo Dei / roborabo. Ihr zarten schrifftgeleren seyt nicht unwillig / ich kan es nicht anders machen / Valere / quinta Annuntiationis.

Vide obsecro quanta insania / statuat iste propheta . non esse persolvendum ius matrimonium / nisi vocem de celo audieris / futurum ut ex ista compressione uxoris / nascatur proles a Deo electa / contra apertum locum Pauli Quisque propter fornicationem suam uxorem habeat et suum queque virum habeat / Uxor vir debitum reddat / similiter autem et vir uxori / Uxor proprii corporis ius non habet / sed uxor etc. Con-

118

tra fornicationem remedium est matrimonium.
Sieri enim non potest / quin / sicut effluunt cor-
pora et emittunt eos humores / qui sunt onerosi
nature / pus per nares / salivam per os / ciborum
et stomachi feces per anum / urinam per suum
quendam meatum / ita semen ejectionis est / per ge-
nitalia. Jam si caro te sollicitaverit ad fornicationem
aut stuprum / fac Pauli consilium sequaris /
uxoremque ducas Melius est enim nubere
quam vri. i. Chor. vij. Sed facit suo more sathas-
nas / solet enim / ubi nichil opus est / subinde illas
queere conscientias / ne sint libere sed captivae
Si maledici merebantur ab Esora / qui male
Judaice loquebanur / quam maledictionem
merebitur Thomas Munger / tanta portenta
verborum effluens in hoc solummodo
modo ut imperite multo-
tudini (quod aiunt)
frigidam sus-
fundat.

Faint, illegible text, likely bleed-through from the reverse side of the page. The text is arranged in approximately 15 horizontal lines.

THE END OF THE WORLD
IN THE YEAR 1800



102




18. Nov. 78

12.09.88

23.02.89

02.10.91

76 A 6314



Farbkarte #13


Blue Cyan Green Yellow Red Magenta White 3/Color Black

B.I.G.

Auslegung des
XIX Psalm. Coeli
 enarrat/durch Thomas Mün-
 cher an seyner besten Junger
 einen/auff new prophetisch/
 nicht nach der einfeltigkeit des
 wort Gottes/sonder aus der le-
 bendigen stimme vom hymel.

Auslegung des selben
 psalmus/wie yhn S. Paul
 auslegt nach der einfeltigkeit
 der Apostel/und nach der
 meinung Davids.

Johan Agricola Tsleben
 Wittenberg. M D XXX.



Handwritten signature or mark at the bottom of the page.